

連平州志卷之四

連平州知州奉天盧廷俊傑人氏重修

學宮

熙洽之朝首重人材禮義之興莫先學校唐虞三代
因時異名孟子謂皆以明倫王者一道同風之盛捨
學無由也欽惟

聖祖仁皇帝崇儒重道萬世師表有額四配有贊訓飭士子
有文且進先儒朱子于十哲之班今

上仁孝繼

連平州志

卷之四

學宮

一

極特發帑金修理

闕里文庙庆雲晝見瑞應

天心皆生民以來所未有也士生斯時可不爭自磨濯積

學敦行以仰承

壽考作人之雅化哉志學宮

聖廟在州治左

康熙十年知州高光國重建

兩庑翼焉

康熙十六年署州顧士美重建

南為戟門

左祀名宦右祀鄉賢

正中開泮池引北門源泉注之

又南為櫺星門明倫堂

康熙二十二年知州佟國瑞重建

在

聖殿北前

東為學正舍二進各三間前為儒學門西為訓導舍二進各三間前為儒學門今俱廢

兩庀及戟門圍牆康熙三十年知州于延弼重修雍正八年知州卢廷俊修礼門義路兩坊

崇聖祠在明倫堂左

康熙二十四年學正欧阳英騎重修

敬一亭在明倫

堂後

今廢

宮牆在黃門外 康熙二十四年

御書萬世師表扁額懸於

至聖殿前

康熙五十一年奉

旨進朱子配位十哲

雍正二年添設猪首祭品

雍正元年

連平州志

卷之四

學宮

二

詔追封

孔聖五世王爵改啓聖祠為崇聖祠

雍正二年奉

旨復祀六人林放蘧瑗秦冉顏何郑康成范甯

增祀者共二十人县亶乐正子牧皮公都子萬章公

孫丑諸葛亮尹焯魏了翁黃幹陳淳何基王栢趙復

金履祥許謙陳浩羅欽順蔡清陸隴其

入

崇聖祠者一人張迪

增置博士者四人冉雍冉伯牛子张有若

雍正三年

御書生民未有扁額懸於正殿

是年

詔避聖諱加卞旁為邱

大清會典順治二年定

文廟謚号稱為

大成至聖文宣先師孔子之位

每年二月八月上丁日致祭如遇有事改次丁下丁

日通行各学一体遵行

康熙二十五年礼部題定春秋二丁致祭

文庙

武官二品以上並合陪祀其各省府州县等学合协领及副将以上照例文左武右行礼致祭仍合

連平州志

卷之四

学宫

三

地方正印官主祭其候補功加各武官应毋庸议
康熙四十九年題定同城武职一体行礼載兵部中

枢政考

聖祖仁皇帝御製訓飭士子文

康熙四十一年正月奉

上諭國家建立學校原以興行教化化育人才典至渥也朕臨御以來隆師重儒加意庠序近復慎簡學使厘剔弊端務期風教修明賢才蔚起庶幾棫撲作人之意乃比年士習未端儒效罕著雖因內外臣工奉行未能尽善亦由尔諸生積錮已久猝難改易之故也茲特親制訓言再加警飭爾諸生其敬听之從來學者先立品行次及文學學術事功源委有序爾諸生幼

連平州志

卷之四

學宮

四

聞庭訓長列宮牆朝夕誦讀宁無讲究必也躬修寔踐砥礪廉隅敦孝順以事親秉忠正以立志窮經考業勿雜荒誕之談取友親師悉化僞盈之氣文章歸于醇雅母事浮華軌度式於規繩最防蕩軼子衿佻達自昔所訊苟行止有虧雖讀書何益若夫宅心不淑行已多愆或蜚語流言脅制官長或隱糧包訟出入公門或唆撥奸猾欺孤凌弱或招呼朋類結社邀盟乃如之人名教不容鄉党勿齒縱幸脫褫朴濫竊章縫返之于中寧無愧乎鄉會科名乃掄才大

典關係尤鉅士子果有真才寔學何患困不逢年顧
乃標榜虛名暗通聲氣夤緣詭遇罔顧身家又或改
竄鄉貫希圖進取蠹凌騰沸綱利莠私種種弊端深
可痛恨且夫士子出身之始尤貴以正若茲厥初拜
獻侵已作姦犯科則異時敗檢踰閑何所不至又安
望其秉公持正為國家宣猷樹績膺後先疏附之選
哉朕用嘉惠爾等故不禁反復惓惓茲訓言頒到爾
等務共體朕心恪遵明訓一切痛加改省爭自濯磨
積行勤學以圖上進國家三年登造束帛弓旌不特

爾身有榮即爾祖父亦增光寵矣逢時得志寧俟他
求哉若仍視為具又玩愒勿儆毀方躍治暴弃自甘
則是爾等冥頑無知終不能率教也既負栽培復干
咎戾王章具在朕亦不能為爾等寬矣自茲以違內
而國學外而真省鄉校凡學臣師長皆有司鐸之責
者並宜傳集諸生多方董勸以副朕懷否則職業勿
修咎亦難逭勿謂朕言之不預也爾多士尚敬厅之
哉

位號

正殿

至聖先師孔子神位

四配

復聖顏子

述聖子思子

宗聖曾子

亞聖孟子

十哲

先賢閔子名損

先賢冉子名雍

先賢端木子名賜

先賢仲子名由

連平州志

卷之四

學宮

六

先賢卜子名商

先賢冉子名耕

先賢宰子名予

先賢冉子名求

先賢言子名偃

先賢顓孫子名師

先賢朱子名熹

東廡 共六十
二位

先賢蘧瑗

先賢澹臺滅明

先賢原憲

先賢南宮适

先賢商瞿

先賢漆雕開

先贤司馬耕

先贤有若

先贤巫馬施

先贤顏辛

先贤曹邨

先贤公孫龍

先贤秦商

先贤顏高

先贤壤駟赤

先贤石作蜀

先贤公夏首

先贤后處

先贤奚容蒧

先贤顏祖

先贤句井疆

先贤秦祖

先贤縣成

先贤公祖句茲

先贤燕伋

先贤樂欬

先贤狄黑

先贤孔忠

先贤公西蒧

先贤顏之僕

先贤施之常

先贤申枏

先贤左邱明

先贤秦冉

先贤牧皮

先贤公都子

先贤公孫丑

先贤張載

先贤程頤

先儒公羊高

先儒孔安國

先儒毛萇

先儒高堂生

先儒鄭康成

先儒諸葛亮

先儒王通

先儒司馬光

先儒歐陽修

先儒胡安國

先儒尹焞

先儒呂祖謙

先儒蔡沈

先儒陸九淵

先儒陳焯

先儒魏了翁

先儒王栢

先儒許衡

先儒許謙

先儒王守仁

先儒薛瑄

連平州志

卷之四

學宮

八

先儒羅欽順

先儒陸陇其

西廡 共六十位

先賢林放

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢梁纘

先賢冉孺

先賢伯虔

先賢冉季

先賢漆雕徒父

先賢漆哆

先賢公西赤

先贤任不齊

先贤公良孺

先贤公肩定

先贤鄟單

先贤罕父黑

先贤荣旂

先贤左人郢

先贤鄭國

先贤原亢

先贤廉潔

先贤叔仲會

先贤公西輿如

先贤邽翼

先贤陳亢

先贤琴張

先贤步叔乘

先贤秦非

先贤顏噲

連平州志

卷之四

学宮

九

先贤顏何

先贤县亶

先贤乐正克

先贤萬章

先贤周敦頤

先贤程顥

先贤邵雍

先儒谷梁赤

先儒伏勝

先儒后蒼

先儒董仲舒

先儒杜子春

先儒范甯

先儒韓愈

先儒范仲淹

先儒胡瑗

先儒楊時

先儒罗從彦

先儒李侗

先儒張栻

先儒黃幹

先儒真德秀

先儒何基

先儒趙復

先儒金履祥

先儒陳澔

先儒陳獻章

先儒胡居仁

先儒蔡清

崇聖祠

肇聖王木金父公

裕聖王祈父公

連平州志

卷之四

學宮

十

詒聖王防叔公

昌聖王伯夏公

啓聖王叔梁公

配位

先賢顏氏

先賢孔氏

先賢曾氏

先賢孟孫氏

東廡

先儒周輔成

先儒程珦

先儒蔡元定

西廡

先儒張迪

先儒朱松

祭禮

康熙二十年頒行學宮祭禮

至聖先師孔子正位 禮神白色帛一降真炷香一炷降

真香八兩三足白磁爵三牛羊豕各一登一劔二簠

簠各二籩十

白併黑併形塩蒿魚鹿脯棗栗榛菱芡

豆十

脾析豚胎鹿醢兔醢魚醢

鹽醢菲菁笋芹 酒一罇

四配每位一案 帛一降真炷香一炷降真香四兩三

足白磁爵三羊豕各一劔二簠簠各二籩豆各八

東西旁配位各五位每位一案每案降真炷香一炷降

真香四兩三足白磁爵各一豕肉一塊劔一簠簠各

一籩豆各四五位共帛一共磁爵三豕首一

東廡四十九位每二位一案計二十五案每案銅爵三

豕肉二塊簠簠各一籩豆各四共帛一降真炷香一

炷降真香八兩共銅爵三豕首一

西廡四十八位二位一案設同東廡

樂奏六佾 文生三十六人

樂器 鐘十六口 磬十六面 琴六張 瑟四張
簫笛六枝 排簫二架 塤一箇 笙六攢 大鼓
一面 搏附鼓二座 祝一座 敵一座 木笏六
面 羽籥二十六副 麾旛一首 旌節二首
每項用樂舞生一名每人着紅色補服击緣綢帶戴
銅頂裹金涼帽或暖帽
迎神樂奏咸平之曲行三跪九叩首禮 初獻樂奏
寧平之曲正官至位前行一跪一叩禮立獻帛爵畢
行一跪一叩禮立讀祝官至安祝文桌前行一跪三

叩禮將祝文捧立在桌左边正官復讀祝位立樂止
正官各官樂舞生俱跪讀祝官讀祝畢至正位奠帛
桌前盛帛盒內跪安行三叩禮樂舞生起立奏樂各
官行三叩禮立正官就四配位前各行一跪一叩禮
立獻畢各行一跪一叩禮分獻官照正官行禮分獻
畢正官分獻官復位立 亞獻樂奏安平之曲正官
分獻官照初獻禮獻畢復位 終獻樂奏景平之曲
照亞獻禮獻畢復位樂畢文生執旌節引退於兩旁
立賜福胙正官諸受福胙位跪受胙飲福酒畢行

三叩禮復位行三跪九叩禮 徹饌樂奏咸平之曲

送神樂奏咸平之曲行三跪九叩禮樂畢詣望燎位

焚祝帛禮畢 祭

啓聖王行三跪九叩禮儀同前 供品禮神白色帛一

降真炷香一炷降真香四兩白磁爵三羊豕各一劔

二簠簋各二籩豆各八酒一罇

東西配先賢四位

東西廡先儒四位每位一案每案降真炷香一炷降真

香四兩銅爵三豕肉一塊簠簋各一籩豆各四二案

連平州志

卷之四

學宮

十三

共禮神白色帛一豕首一

雍正二年頒行祭品奉

旨用大牢自秋祭始

先師正位陳設

禮神制帛一 白色 白磁爵三 牛一 羊一豕一

登一 劔二 簠二 簋二 籩十 豆十 酒罇

一

四配位陳設

每位

禮神制帛一 白色 白磁爵三 羊一 豕一 鉶一

簋二 簋二 籩八 豆八 酒罇一

十哲陳設

東五位 五案

又朱子一位一案

禮神制帛一 白色 白磁爵各一 豕一 鉶各一

簋各一 簋各一 籩各一 豆各四 豕首一

西五位 五案与東五位陳設同

一東廡陳設

連平州志

卷之四

學宮

十四

禮神制帛一 白色 銅爵各一 豕三 每案簋一

簋一 籩四 豆四

一西廡陳設 与東廡同

崇聖祠正位陳設 五案

每位禮神制帛一 白色 白磁罇三 羊一 豕一

鉶一 簋二 簋二 籩八 豆八 酒罇一

配位陳設 每位一案

禮神制帛二 白色 豕首一 每位銅爵三 簋一

簋一 籩四 豆四 豕肉一

東西兩廡陳設

禮神制帛 每位銅爵三 簋一 簋一 籩四

豆四 豕肉一

名宦鄉賢二祠同時分祭儀同兩廡

學租 附載

學前左側店地七間

右側店地三間 俱收租
歸儒學

學內一切曠地俱屬儒學

忠信圖三角等處田種

連平州志

卷之四

學宮

十五

泃頭土名 田種

庠序 前志以學宮列建置內因附籍事
復分庠序一門今合之附學宮後

牟志曰國家自辟雍以至郡邑皆有庠序所以興賢

育才維持世教關係匪淺鮮也州庠肇始諸弟子員

或分割或新進彬彬若而人從此鴻飛鵬舉扶搖而

上九萬里拭目俟之吾願諸弟子為賢士不為凡民

也

和平縣分撥廩生陳易簡等十名

河源縣分撥廩生黃可遇等五名

長寧縣分撥廩生賴上昇等一十九名

翁源縣分撥廩生謝挺等一十三名

益以兩案新進吳進葉自育吳子昌海共一百餘名

不及東粵一下縣尚賴 督學道廣開薪樵溢格滋

培庶於創始 黉宮大有造云

附籍

韓志曰新建之治學校豈容空虛附籍之設無非欲
實庠序暇計日後法弊相生遂滋蔓不絕乎查順治
十六年冒籍張文灼陳宜登楊進標亦借附籍之名

冒進州庠劉守懋德通詳革除在案于康熙七年州
守高光國以冒籍縱橫等事申詳各 憲奉批鐫碑
嚴禁稱昔日之附籍即今日之土著斯附籍之名除
之已久而異棍不得復借冒矣康熙十九年國瑞來
牧斯州見子衿寥寥細閱學冊而知又遭異府異邑
之人或赴 藩司或赴 學憲具呈援例俱未由州
故也及康熙壬戌丙寅兩科親送 道試冒籍錮弊
爲一痛除矣今奉 督學黃通行歲考隨奉 抚都
院朱憲牌為嚴禁生童冒籍等事在案隨据州庠文

武生員具呈到州看詳去後蒙批 督學撥行在案
而冒籍文武生員共一百二十餘名現撥原籍查收
入冊而連平膠庠積數十年來之冒溢至今日乃得
清除也仍載附志俾後人有所鑒觀焉 院道嚴禁
冒籍碑文於左

惠州府連平州爲嚴禁生童冒籍以釐積弊事康熙
二十七年八月初七日蒙本府信牌康熙二十七年
七月二十一日奉 撫都院朱憲牌照得士子讀書
志期上達若冒籍考試 功令首嚴查條例內開冒

籍之禁令各直省臣特嚴廩生保結之法諸生童
凡有籍貫假藉者不論己未入學定行黜革仍將廩
保懲黜不宥至康熙十六年 禮部具題凡現在各
省舉監生員如有冒籍者俱令呈明改回原籍
奉

旨先行俱經嚴飭在案今查粵東向來考試多係冒籍頂
名不由府州縣考較但于送道之時鑽刺夤緣附名
冊未及至道取發案共見詫異謂本處平日並無是
入該州縣官未嘗識名該學教官總未會而入泮者

多係冒藉土著子弟十無二三致生童失意灰心鮮
習舉業山僻文風愈加不振無怪乎各生童紛紛具
訴并各屬條議及也 本都院奉

命撫粵務期振興文教積弊當為祛除合行嚴飭備牌
行府仰州遵依出示曉諭嚴飭仍牒行儒學一體遵
照在案今于本年十一月初六日據通州文武生員
梁世安等連名具呈為披陳冒濫積弊懇詳改回原
藉以彰功令以肅學政事竊聞

朝廷較士首嚴冒濫故畫疆定額就地取才母容踰竄

入藉痛連平建自明末始因招徠受壓在城准其附
老州藉膠庠土著不滿二百冒藉納名與奉 例捐
納文武生員有東莞順德各縣人有江西福建各省
人共一百廿餘人不經州試地隔千里師長不識庠
友莫認或張冠李戴兄故弟頂遇考則有僱倩之弊
丁憂則有假控之情皆因學師遠距無由查核僥倖
食廩攬越間次頂補故缺任其巧飾宮墻冒濫莫如
連平為甚茲奉 抚院大老爷牌行為嚴禁生童冒
藉以厘積弊事蒙示曉諭環讀之下仰見振興山僻

文風至意正連庠土著單寒下士披雲見日時也伏
仰

朝廷寬例凡冒籍生監准令自首改正免革具報 禮
部今建平荒僻山州不及中邑難堪冒籍之害只得
連名呈懇賜文詳請將冒籍文武生員一百二十餘
人照例改回各生原籍庶土著培而宮牆肅矣等情
并開文武冒籍生員冊一本到職据此隨該卑職看
得連平州建自明末原係四縣分割膠庠土著不滿
二百而從前竄籍冒濫與奉例捐納或納府名附寄

不經州試者則有一百二十餘人皆距縣異府地界
寫遠學師庠友面未識認凡遇考較不無僱倩代替
冒占前列僥倖食廩兼有父亡子頂兄終弟繼捏假
丁尤更難稽察總緣荒僻小州視為捷徑遂致阻抑
土著上進之路恭遇 憲臺撫粵興除利弊嚴禁冒
濫奉檄曉諭山陬遐壤欢呼動地茲據通州生員梁
世安等联名具呈造冊前來相應具文詳請 憲台
垂恩勅行酌奪將冒籍文武生員朱貴等查照原籍
改回本學聽各該學稽察糧務嚴杜丁憂僱倩作姦

等弊俾荒州士子咸自振興爭自濯磨獲邀上進以
丕文教叩誦作育宏慈奕禩靡有已也等緣由蒙
提學道黃批仰候查詳 撫憲飭行繳茲奉 巡撫
批仰提學道確查詳奪繳冊並發奉此擬合就行備
牌仰府照依 憲批詳內事理即將建平州所詳後
開生員朱貴等冒籍情由逐一確查明白具詳本道
復核以憑轉詳撫都院批奪等因蒙此案照先據該
州詳同前事連繳冒籍生員姓名冊一本到府據此
當批仰候 撫都院學道批示繳冊有查業經印發

在案今蒙前因除將學道牌開并該州詳繳前冊內
開廣惠二府所屬文武各生查照原籍列名行縣確
查都圖籍貫并某年月日冒進州庠註明冊內繳府
詳繳學道轉詳 撫都院批奪在案

牟志日稽古建國立都多旌四方文學之士以實京
雍肆是開疆設郡咸立新籍凡以廣招徠育梗梓也
先奉南贛撫院潘發冊八欵下問內一欵該州既設
有學宮師長有無諸生肄業或擇他郡文章爾雅行
誼端醇者為之啓蔽發蒙其民間子弟稍通文墨應

否行學道破格作養以永鼓舞因遵詳請議設附籍
嚴立禁約既詳且悉荷蒙督學道魏垂念岩疆加意
作人量取新生不礙土著之額一時負笈之士聞風
繼至然而士民見之未虞者率相聚攻訐殊失創始
作新之至意俟學校漸次充實附籍亦為土著將不
禁而自息矣

詳文

惠州府連平州為邊城初建增廣諸生以實庠序以
成州制事竊照岩險重城方招庶民以充實荒天昧

色尤資庶士以作新州制創立萬山割附四里迄今
城內茅房數十間二三士民落落晨星先是未奉題
准維時送考童生僅八十餘名蒙前 學道曾考取
二十四名暫寄和河四县案未候州官到日送學作
養已開新標之門用闢彙征之路趕蒙堤學行文彙
考童童遠近聞風爭思負笈值四畝諸童指稱冒籍
互相攻訐一時真贋几于莫辨本州俯順民情四畝
之外槩不准考已經開冊听候考奪伏思建學之始
正莫擴充如止據四畝有限人民盡居村落城內學

校何時充實合無比照各省改土設學事例凡屬土
著爲士民藉其輻輳歸順受廛立業納糧輸差者爲
客民籍送考之日另開一冊或廣收土著既足以服
其心即量取客民亦非以侵其數惟未經立籍未納
糧餉者即係冒籍定不姑容以滋倖冒庶弊清蠹滌
漸覺杞梓之育成近悅遠來行看菁莪之蔚起边城
黌序裨益非淺鮮矣事關學政匪卑职所敢專擅也
爲此將今緣由理合具申伏候照詳施行奉 提學
道魏批該州百事創始既有民社之司合廣庠序之

教准照羅定州事例分編土著附籍兩項如詳覈確
其未經立籍納稅者毋得濫收滋弊繳 學道魏告
示示諭建平州生童知悉尔州土著附籍區分二冊
蓋皆本道仰体虔撫作新至意而州官又曲体本道
作人一念照羅定州已行之法朊立規模無非招徠
以實版圖遂鼓舞英髦以奠學校也爾等果皆家絃
戶誦人善操觚亦何必借才錯壤多此一事今本道
秉十分恕道鑑尔等三分文氣取數視他邑之小者
已不為不多矣何尚紛紛告扰姑念志在進取再加

覆閱援取十名于土著之內不惟他邑不得引取以

希濫恩即爾州後日不得據此以成定額如再煩言

抗撓本道則有三尺母致求榮反辱進寸退尺自貽

伊悔特示

魏諱浣初常熟人丙辰進士

義學在城北牟公祠右原義學地基橫一十八弓雍

正三年州守胡功成倡捐紳士全建後一進三間為

文昌閣供奉帝君中一進大斤兩扇架為講堂門樓

一進三間兩邊尚存餘地留建學舍有記

大典如恭祝

連平州志

卷之四

學宮

二十三

萬壽 元旦 冬至 開讀 迎春 救日 護月

霜降

謹照定例逆行案冊昭悉惟鄉飲間一舉行故備錄

其儀式焉

鄉飲酒禮

大清會典凡鄉飲酒儀注京省及直省府州縣每歲正月

十五日十月初一日于儒學行鄉飲酒禮前一日執

事者于儒學之講堂依圖陳設坐次司正率執事習

禮至日黎明執事者宰牲具饌主席及僚屬司正先

詣學遣人速賓僎以下比至執事者先報曰賓至主
席率僚屬出迎于庠門之外以入主居東賓居西二
揖三讓而後升堂東西相向立贊兩拜賓坐執事又
報曰僎至主席又率僚屬出迎揖讓升堂拜坐如前
儀賓僎介至既就位執事者唱司正揚觶執事者引
司正由西階升詣堂中北向立執事者唱賓僎以下
皆立唱揖司正揖賓僎以下皆揖執事者以觶酌酒
授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長

幼各相勸勉爲臣盡忠爲子盡孝長幼有序兄友弟
恭內睦宗族外和鄉里無或廢墜以忝所生讀畢報
事者唱司正飲酒畢以觶授報事執事者唱揖司正
揖賓僎以下皆揖司正復位賓僎以下皆坐唱讀律
合執事者舉律令案于堂之中引禮引讀律令者詣
案前北向立唱賓僎以下皆立行揖禮如前讀畢復
位執事首唱供饌案報事者舉饌案至賓前次僎次
介次主三賓以下各以次舉訖執事者唱獻賓起席
北面立執事者斟酒以授主主受爵詣賓前置于席

稍退贊兩拜賓答拜訖執事者又斟酒以授主主受爵詣僎前置於席交拜如前儀畢主退復位執事者唱賓酬酒賓起僎從執事者斟酒授賓賓受爵詣主前置於席稍退贊兩拜賓僎主交拜訖各就位坐執事者分左右立介三賓衆賓以下以次斟酒於席訖供饌三品畢執事者唱徹饌候徹饌案訖唱賓僎以下皆行禮僎主僚屬居東賓介三賓衆賓居西贊兩拜訖唱送賓以下堂分東西行仍三揖出庠而退

凡鄉飲酒禮序長幼論賢良別奸頑其坐席間高年有德者居上高年淳篤者並之以次序齒而列其有違條犯法者不許干於良善之席違者罪以違制敢有喧嘩失禮者揚觶以禮責之 主府知府州知州縣知縣如無止官佐貳官代位於東南大賓以致仕官爲之位於西北僎賓擇鄉里年高有德之人位於東北介賓以次長位於西南三賓以賓之次者爲之位於賓主介僎之後除賓僎外衆賓序齒列坐其僚屬則序齒司正以教職爲之主揚觶以罰贊禮者以

老成生員爲之

